



# Маҳалла

ШАНБА

2014 йил 8 февраль,  
№13 (980)

www.mahallagzt.uz info@mahallagzt.uz

## ЎЗБЕКИСТОН ПРЕЗИДЕНТИ XXII ҚИШКИ ОЛИМПИАДАНИНГ ОЧИЛИШ МАРОСИМИДА ИШТИРОК ЭТДИ

Ўзбекистон Республикаси Президенти Ислам Каримов 7 февраль куни Сочи шаҳрида ўтаётган XXII қишки Олимпия ўйинларининг очилиш маросимида иштирок этди.

Ушбу Олимпия ўйинларида саралаш босқичидан муваффақиятли ўтган спортчиларимиз Ксения Григорьева ва Артём Воронов тоғ чангиси, Миша Ге фигурали учмиш мусобақаларида иштирок этди. 5 февраль куни Олимпия шаҳарчасида терма жамоамиз шарафига Ўзбекистон Давлат байроғи тантанали равишда кўтарилди.

XXII қишки Олимпиада мустақил Ўзбекистон терма жамоаси қатнашаётган олтинчи шундай мусобақадир. Мамлакатимиз спортчилари мустақил жамоа сифатида иштирок этган илк Олимпиада — 1994 йилда Норвегиянинг Лилехаммер шаҳрида ўтган XVII қишки Олимпия ўйинларида фристайл бўйича олтин медални қўлга киритиб, улкан муваффақиятга эришган эди.

Ўтган йиллар мобайнида Ўзбекистон спортчилари Олимпия ўйинларида 6 олтин, 5 кумуш ва 11 бронза, Осиё ўйинларида 54 олтин, 76 кумуш ва 93 бронза медалига сазовор бўлди. Бундай натижалар Ўзбекистон спортида давлат томонидан алоҳида эътибор қаратилаётган ва жадал ривожланаётган мамлакатлар орасида тобора мустақам ўрин эгаллаётганидан далолат беради.

Бугунги кунда спорт ёшларимиз ҳаётида тобора муҳим ўрин эгаллаб бормоқда. Давлатимиз раҳбари, Ўзбекистон Болалар

спортни ривожлантириш жамғармаси Хомийлик кенгаши Раиси Ислам Каримов таъкидлаганидек, мамлакатимизда 2 миллионга яқин бола спортнинг 30 дан зиёд тури билан мунтазам шуғулланмоқда. Олимпия спорт турлари бўйича терма жамоаларимиз 2 мингга яқин спортчи шуғулланаётган олий спорт маҳорати мактабларида шакллантирилмоқда.

Сочи шаҳрида ўтаётган XXII қишки Олимпия ўйинларида 90 га яқин мамлакатдан 5 минг 500 дан зиёд спортчи иштирок этмоқда.

Ушбу Олимпия ўйинлари учун махсус қурилган «Фишт» стадионини 7 февраль куни жаҳоннинг етакчи мамлакатлари раҳбарлари иштирокида мусобақанинг тантанали очилиш маросими бўлиб ўтди. Олимпиада машъаласининг ёқилиши маросимининг энг ҳаяжонли дамлари бўлди.

\*\*\*

Ўзбекистон Республикаси Президенти Ислам Каримов Сочи шафари доирасида Туркманистон Президенти Гурбангули Бердимухамедов билан учрашди. Музокарада Ўзбекистон — Туркманистон муносабатларига доир ва томонларни қизиқтирган бошқа масалалар юзасидан фикр алмашилди.

ЎЗА

### БОЛАЛАР СПОРТИ



## Истиқлолнинг истиқболи порлоқ ёшлари

Мамлакатимизда ёш авлоднинг бузуви ва эртаси учун қайғуриш, уларнинг ҳар томонлама соғлом бўлиши учун галмхўрлик кўрсатиш, айниқса, спорт билан мунтазам шуғулланишларига етарли шарт-шароитлар яратиб бериш борасида тизимли ишлар олиб борилмоқда.

■ **Холбек ЭЛБОЕВ,**  
«Маҳалла» хайрия жамоат фонди Самарқанд вилояти бўлими етакчи мутахассиси.

Айтиш жоизки, юртимизда жисмоний тарбия ва спортни ривожлантириш, замонавий спорт иншоотларини барпо этиш ва уларнинг моддий-техник базасини мустаҳкамлаш, ёшлар орасидан етук спортчилар тайёрлаб, жаҳон ареналарида мамлакатимиз шўхратини ошириш юзасидан

Самарқанд вилоятида ҳам муайян ишлар амалга оширилмоқда.

Ўтган йиллар давомида вилоятимиз ҳудудида юзлаб янги болалар спорт майдончалари ташкил этилиб, жиҳозланди. Бу масканларнинг замонавий спорт жиҳозлари билан таъминлангани ёш спортчиларнинг мамлакат ва халқаро миқёсдаги мусобақаларда муносиб иштирок этиши, юксак натижаларни қўлга киритишларида муҳим омил бўлмоқда. Асосийси, ёш авлод жисмонан соғлом, маънан етук, ҳар томонлама баркамол авлод сифатида воёга етаяпти. Бундай

эътибордан олис туманларнинг чекка қишлоқ ёшлари ҳам четда қолаётгани йўқ. Ўтган йиллар давомида қишлоқларда кад ростлаган спорт мажмуаларига 40 турга яқин замонавий, халқаро меъёр талабларига жавоб берадиган спорт жиҳозлари етказиб берилди.

Самарқанд шаҳридаги «Янги кўрғон» маҳалла фуқаролар йиғини ҳудудида жойлашган 3-сон ихтисослашган болалар ва ўсмирлар олимпия заҳиралари спорт мактаби 2005 йилда қурилган. Бугунги кунда истиқболли гимнастикчиларни тайёрлаш бўйича Ўзбекистондаги етакчи спорт мактаблардан ҳисобланган ушбу спорт мажмуаси ўтган йили қайтадан таъмирланиб, шароитлар янада яхшиланди.

> [4]

### 9 ФЕВРАЛЬ — АЛИШЕР НАВОЙИЙ ТАВАЛЛУДИ КУНИ

## Маънавият ва илҳом манбаи

«Туркистон» саройида буюк мутафаккир, улғу шоир Алишер Навоий таваллудининг 573 йиллигига бағишлаб «Назм ва наво» кечаси муסיқали-маърифий тадбир бўлиб ўтди.



■ **Назokat УСМОНОВА,**  
ЎЗА муҳбири.

Ўзбекистон Республикаси Маданият ва спорт ишлари вазирлиги томонидан Ўзбекистон Ёзувчилар уюшмаси, Республика Маънавият тарихий маркази, Бодий академия, Матбуот ва ахборот агентлиги, «Тасвирий ойна» ижодий уюшмаси ва бошқа қатор ташкилотлар билан ҳамкорликда ташкил этилган мазкур тадбирга ёзувчи ва шоирлар, адабиётшунос олимлар, маънавий тарбиячилар, ўқитувчилар, табаррук онахон ва отахонлар, иқтидорли талабалар тақдир қилинди.

Ўзбекистон Республикаси маданият ва спорт ишлари вазирлиги М.Ҳошимов, Ўзбекистон Ёзувчилар уюшмаси раиси М.Аҳмедов ва бошқалар Президентимиз Ислам Каримов раҳнамолигида ёш авлодни соғлом, мустақил фикрлайдиган, юксак маънавиятли инсонлар этиб воёга етказиш, улар қалби ва онгига ватанпарварлик, истиқлол гоёларига садоқат, миллий аънона ва қадриятларимизга ҳурмат туйғуларини чуқур синдириш масаласига устувор аҳамият қарати-

> [2]

## Тил тилсимининг беназир билимдони

Президентимиз «Юксак маънавият — енгилмас куч» асарига таъкидлаганидек, Алишер Навоий халқимизнинг онги ва тафаккури, бадий маданияти тарихида бутун бир даврни ташкил этадиган буюк шахс, миллий адабиётимизнинг тенгсиз намояндаси, миллатимизнинг гурури, шаъну шарафини дунёга тараннум қилган ўлмас сўз санъаткоридир.

■ **Низомиддин МАҲМУДОВ,**  
филология фанлари доктори, профессор (ЎЗА).

Дарҳақиқат, Алишер Навоийнинг сўз ва нутқ, тил ва жамият ривожини йўлидаги хизматлари бекиёсдир. Сўз даҳосига адоқсиз эҳтиром ва инжа сезги билан муносабатда бўлган шоир ўз асарларининг аксариятида, хусусан, «Хам-

са» дostonларида, «Маҳбуб ул-қулуб», «Муҳокамат ул-луғатайн», «Назм ул-жавоҳир» ва бошқа кўлаб рисоаларида сўзнинг буюк қудрати ва нутқ маҳоратининг хосиятига оид батақдор фикрларни баён этган.

Алишер Навоийнинг лингвистик концепцияси тўлиқ ва батафсил баён этилган асар «Муҳокамат ул-луғатайн»дир. Ушбу асар Навоийнинг ўз даврининг қомусий олими ва энг илғор мутафаккирларидан бири бўлганини



кўрсатади. Унинг тилга оид қарашлари бунга яққол тасдиқлайди. Улғу адибнинг ушбу асардаги қарашлари сўз ва тилни ҳам адабиётшунослик, ҳам тилшунослик аспектида ўрганишда муҳим аҳамият касб этади.

Тилимизнинг имкониятлари ва бойлигини исботлашни ўз олдига мақсад қилиб қўяр экан, Навоий бунда энг самарали усул — қиёсий тадқиқот услубини танлайди.

Навоий бу ўринда тилшуносликнинг асосий сатҳларини (лексика, семантика, морфология, синтаксис, стилистика) қамраб олган ҳолда тўлақонли қиёсий таҳлилни амалга оширган. Шу маънода уни қиёсий тилшуносликнинг асосчиларидан бири, дейиш мумкин.

> [4]

### ҚОНУН ЛОЙИҲАСИ — МУҲОКАМАДА

## Жамоат назорати — ислохотлар ривожидида муҳим омил

Мамлакатимизда демократик ислохотларни янада чуқурлаштириш ва фуқаролик жамиятини ривожлантириш Концепциясида маҳалланинг давлат ҳокимияти ва бошқарув органлари фаолияти устидан жамоатчилик назоратини ўрнатиш борасида долзарб вазифалар белгилаб берилди.

■ **Расул КАМОЛ**  
«Mahalla»

Айниқса, «Ўзбекистон Республикасида жамоатчилик назорати тўғрисида»ги қонун лойиҳасида белгиланган меъёрлар жамоатчилик назоратини янги босқичга олиб чиқиш, унинг самарадорлигини ошириш имконини бермоқда.

— Жамоатчилик назорати жамиятда ижтимоий адолат барқарор бўлиши учун шахс, жамият ва давлат алоқаларида тенглик, масъулият ва жавобгарликни қучайтиришга хизмат

қилади, — дейди «Маҳалла» хайрия жамоат фонди Фарғона вилояти бўлими бошқаруви раиси ўринбосари Бахтиёр Қодиров. — Азолдан бирор-бир маҳаллага нотаниш киши келса, унга «Кимсиз», «Қаердансиз», «Қандай юмуш билан юрибсиз», каби саволлар берилган ва бу ҳолат жамоатчилик назорати сифатида намоён бўлган. Давлат ҳокимияти ва бошқарув органлари фаолияти устидан жамоатчилик назоратининг ўрнатилиши эса фуқаролик жамияти барпо этишнинг зарур шартларидан биридир.

Фуқароларнинг фаоллиги, ижтимоий ҳодисаларга дахлдорлик ҳиссининг

ошиши ҳамда ҳар бир масъул шахс ўз фаолияти жамоатчилик назорати остида эканини чуқур ҳис этиб бориши фуқаролик жамияти шаклланишида муҳим аҳамият касб этади.

Яъни фуқароларнинг ўзини ўзи бошқариш органлари томонидан амалга оширилаётган жамоатчилик назорати жойларда ислохотлар, дастурлар ижроси тўғрисида маҳаллошуларни хабардор этиб, аҳоли манфаатларини ҳимоялаш ҳамда маҳаллий давлат органларининг фуқаролар йиғинлари билан мустақам ҳамкорлигини таъминлашга хизмат қилади. Шу боис ўтказилаётган қонун лойиҳаси муҳокамалари кизгин баҳс-мунозараларга бой бўляпти.

Ҳозирда вилоятдаги 1029 та фуқаролар йиғинида мазкур қонуннинг мазмун-моҳияти, ундаги ҳуқуқий меъёрларга жамоатчилик томонидан

фикр-мулоҳазалар билдирилмоқда. Улар атрофлича таҳлил қилиниб, жамланган ҳолда бошқарув органларига тақдим этилаётган.

— Яқинда туман ички ишлар бўлимида «Маҳалланинг давлат ҳокимияти ва бошқарув органлари фаолияти устидан жамоатчилик назоратини ўрнатишдаги вазифалари» мавзусидаги тадбирда ҳокимликлар, — дейди Фанднинг Тошлоқ тумани бўлинмаси раиси Закиржон Ҳамидов. — Масалан, оммавий ахборот воситалари ҳуқуқни муҳофаза қилувчи идоралар томонидан фуқароларнинг ҳуқуқ ва эркинликларини қай даражада таъминлаётганини таҳлил этади. Назоратнинг бу турда ахборотнинг ошқоралиги фуқаролик жамияти институтларига мазкур органлар устидан назорат қилиш имконини беради.

> [2]





